

# هل صليت على النبي ﷺ اليوم ؟ | #محاضرة | د. حازم شومان

حازم شومان

السلام عليكم ورحمة الله وبركاته. الحمد لله وكفى وصلاة وسلاما على عباده الذين اصطفى. اللهم لك الحمد فكله ولك الملك كله وبيدك الخير كله. واليك يرجع الامر كله. اللهم صل على عبدك ونبيك محمد صلى الله عليه وسلم. في الاولين والآخرين - 00:00:00 والماً الأعلى الى يوم الدين. اما بعد اخواني واحبابي في الله يبدو ان الناس بتصيف بقى فرصة. آآ يعني احنا كمان لسة جاي من مصيف يعني بس آآ بس معسكر ايماني يعني. آآ يبدو ان الناس لسة بتصيف. فننتهزها فرصة بقى ونتكلم عن موضوع في غاية - 00:00:24

ايه الجمال يا اخواني! يعني موضوع رقاب جدا جدا. والواحد آآ يعني نفسه يتكلم عليه دائما. ولكن هذه فرصة طيبة بقى في جو الخشوع اللي احنا فيه ده نتحدث عن هل صليت على النبي اليوم؟ هل صليت على حبيب الله محمد عليه الصلاة والسلام اليوم - 00:00:44

الصلاة على رسول الله صلى الله عليه وسلم. كنز من كنوز عمرنا احنا غافلين عنه. النهاردة عايزين يا اخواني باذن الله سبحانه وتعالى تعالى. ربنا يفتح على قلوبنا ونفهم يعني ايه الصلاة على رسول الله. صلى الله عليه وسلم. نفهم ثوابها من فضلها. نفهم ثمارها. نفهم - 00:01:04

ازاي نصلي عليه الصلاة؟ اللي تخيلنا معه في الجنة باذن الله سبحانه وتعالى، عليه الصلاة والسلام. انا مش عايز لسانك يبطل معي النهاردة ولا لسانك يبطل معي النهاردة سواء الرجالة اللي في المسجد او الرجالة اللي على الت بازن الله. انا مش عايز نبطل الليلة يا اخواني عليه الصلاة والسلام. عليه - 00:01:24

الصلاة والسلام دي كلمة مش عايزين نبطلها الليلة ابدًا باذن الله سبحانه وتعالى. والامام يقرأ في صلاة المغرب قول الله سبحانه وتعالى واذا صرفنا اليك نفر من الجن يستمعون القرآن. فلما حضروه قالوا انصتوا تذكرت ان ديت اسود لحظة اصعب لحظة. مرت بالنبي - 00:01:44

عليه الصلاة والسلام في السيرة كلها. لما كنت تسأل بعض الصحابة اصعب لحظة مرت بالسيرة. يقول لك لحظة احد لما النبي عليه الصلاة والسلام كان هيتقتل وجيش المشركين ربنا يقتل النبي وجرحه النبي عليه الصلاة والسلام. انما لما النبي نفسه اتسأل اصعب لحظة قال اللحظة اللي احنا سمعناها في صلاة المغرب دي. لان الصحابة كان من - 00:02:04

نسأله اصعب لحظة اذى النبي عليه الصلاة والسلام. انما النبي بالنسبة له اصعب لحظة لما كل طرق الدعوة اتقفلت. لما اتطرد مكة وراحت طائف اتطرد من الطائف. سبحان الله! نفس المكان اللي النبي عليه الصلاة والسلام وقف يصلي فيه. نفس الطريق اللي النبي عليه الصلاة والسلام - 00:02:24

وقف يصلي فيه. هو اللي بقى بعد كده ميقات احرام اهل الطائف. وهم يذهبون يقولون لبيك اللهم لبيك. نفس اللي النبي عليه الصلاة والسلام لم يستفق فيه ماشي كيلو مترات ما هواش عليه الصلاة والسلام غير مستفق النبي من الصدمة ومن الالم ومن - 00:02:44

الهم عليه الصلاة والسلام هو نفس الطريق اللي النبي احرم منه عليه الصلاة والسلام وهو راجع من الطائف بعد غزوة الطائف بعد ما فتح مكة راجع من الطائف على مكة في العمرة التي آآ آآ اداها النبي صلى الله عليه وسلم. اخواني واحبابي في الله. قضية الصلاة على - 00:03:04

حبيب الله محمد صلى الله عليه وسلم عايزين النهاردة نعيش مع بعض اللي معه ورقة وقلم انا عايزه ها يعني يمكس ورقة وقلم كده

ويبدأ واحدة واحدة كده يكتب معي. لما هتيجي تصلي على رسول الله صلى الله عليه وسلم. هتفتكر ايه؟ دي نقطة مهمة جدا يا جماعة. احنا عايزين الكلام بتاعنا يبقى كلام - [00:03:24](#)

جدا لان زي ما ركزنا في العشرة من ذي الحجة ركزنا على قضية الذكر. ركزنا ازاي نعيش مع ذكر الله سبحانه وتعالى. ومن اعظم اب وانواع الذكر الصلاة على النبي صلى الله عليه وسلم. هو الصلاة على النبي ذكر لله. ما الصلاة على النبي فيها اعتراف بان الله ارسل الرسل. وفيها اعتراف - [00:03:44](#)

ان محمد من عند الله وفيها اقرار باتباع النبي عليه الصلاة والسلام. فاي ذكر اعظم من هذا؟ الذكر يبقى الصلاة على النبي صلى الله عليه وسلم من فكر الذي يقربك الى الله سبحانه وتعالى. عايزين نبدأ بقى نعد مع بعض يا اخواني. واحنا بنصلي على النبي عليه الصلاة والسلام نستشعر ايه - [00:04:04](#)

ايه؟ واحنا بنصلي على حبيب الله محمد عليه الصلاة والسلام. نستشعر ايه؟ اللي معه ورقة وقلم يطلع ويبدأ يكتب عنصر عنصر. نقطة نقطة نقطة اللي ما عهوش ورقة وقلم يسمع ويركز لما يروح يسمع الدرس ده تاني ويبدأ يرتب ليه؟ لان الدرس ده او المحاولة اللي احنا بنحاولها مع بعض الليلة - [00:04:24](#)

دي بتمثل عبادة مش عايزين نفعل بها الوقتي. نروح نصلي على النبي عليه الصلاة والسلام نص ساعة. وبعد كده خلاص عليه العوض. احنا عايزين ده يبقى خط في حياتنا الى ان نلقى الله سبحانه وتعالى. النهاردة كان الجمعة الجمعة ده اكثر يوم ندبت فيه الصلاة على النبي صلى الله عليه وسلم - [00:04:44](#)

يبقى انت هتفتكر الكلام ده كل يوم جمعة. يبقى انت هتعلق خلاصة هذا الدرس باذن الله قدام السرير بتاعك. قدام المكان اللي انت بتزاكر عليه. عشان تفضل افتكر على طول هل صليت عليه اليوم؟ وتفتكر لمازا تصلي على النبي صلى الله عليه وسلم؟ او مازا تستشعر وانت تصلي على النبي عليه الصلاة - [00:05:04](#)

السلام عشان تبقى صلاة مثمرة. صلاة تقربك من الله. فكما قال النبي صلى الله عليه وسلم فان اكرتكم صلاة علي هو اقربكم مني منزلة. بهزه الكلمة نفتتح فضل الصلاة على النبي صلى الله عليه وسلم - [00:05:24](#)

يبقى لمازا اصلي عليه؟ مازا استشعر وانا اصلي عليه؟ رقم واحد استشعر فضل الصلاة على النبي صلى الله عليه وسلم. استشعر فضل صلاة على الحبيب محمد صلى الله عليه وسلم. ايه فضل الصلاة على النبي عليه الصلاة والسلام يا جماعة. اول حاجة فان اكرتكم علي صلاة - [00:05:44](#)

اقربكم مني منزلة. يعني انت بتنشن على فردوس اعلى. يعني انت بتنشن على جوار النبي في منزلة النبي عليه الصلاة والسلام. منزلة اعظم منزلة في البشرية كلها في الجنة. يبقى كل ما هتكثر من الصلاة على النبي عليه الصلاة والسلام كل ما هتبقى اقرب للنبي عليه - [00:06:04](#)

عليه الصلاة والسلام في الجنة فان اكرتكم علي صلاة احفظها حطها حلقة في قلبك. فان اكرتكم علي صلاة اقربكم مني منزلة. النبي عليه الصلاة والسلام قال ان من افضل ايامكم يوم الجمعة فيه فان من افضل - [00:06:24](#)

منكم يوم الجمعة فاكثرنا فيه من الصلاة علي. فان صلاتكم معروضة علي. يبقى مين اللي صلى على النبي عليه الصلاة والسلام اليوم؟ يرفع ايده كده مين اللي اكثر من الصلاة النهاردة على النبي عليه الصلاة والسلام اللي انت صليتها على النبي معروضة على النبي كنت مع بعض اخواني النهاردة الفجر كده - [00:06:44](#)

قعدها عملنا جلسة ضحى يعني نقرأ من هذا الكتاب شمائل المحمدية للترمذي تحقيق الشيخ الالباني ونقعد نصلي على النبي عليه الصلاة والسلام الواحد بيحس ان حد كلها بتتملي بركة لما بيبجي الصلاة على النبي عليه الصلاة والسلام. بيحس ان الابواب المقفولة بتتفتح والله يا اخواني. وان الابواب وان القلوب بتلين - [00:07:04](#)

وان الطريق المضلم بينور لما الواحد بيصلي على حبيب الله محمد صلى الله عليه وسلم. يبقى انت صلاتك معروضة على النبي. يعني ايه معروضة على النبي؟ يعني النبي عارف النهاردة ان فيه واحد اسمه آ آ محمد ابراهيم صلى الله عليه وسلم الصلاة والسلام كثير

جدا. واتعرضت على النبي عليه الصلاة والسلام هذه الصلاة يا رب - [00:07:24](#)

ويطمئن على حاله. ويعلم قربك من الله سبحانه وتعالى. ويحبك فهذه من سمار الصلاة على النبي عليه الصلاة والسلام هو يحبك. تخيل بقى لو احبك النبي حب خاص. النبي عليه الصلاة والسلام ممكن يشفع لك عند الله سبحانه وتعالى يوم القيامة -

[00:07:44](#)

قد ايه غير ان الصلاة عليه بتخليك انت نفسك تحبه. ما انت الناس حبت الدنيا ليه ؟ من كتر ما قعدت تتكلم على العرييات والفلوس

تتكلم على الفلوس على الفلوس على الفلوس. الناس في - [00:08:04](#)

اخر عزمة الفلوس وحب الفلوس. طب لما احنا نقعد بقى نصلي على النبي عليه الصلاة والسلام ونفتكر مواقفه العظيمة هيبجي في قلوبنا حب النبي وتعظيمه وهنحبه ويحشر المرء مع ايه ؟ مع من احب لو انت حبيته في الحشر معه يوم القيامة. يا رب انا ما عملتش

اعمال توقفني مع حبيب الله محمد. عليه الصلاة والسلام - [00:08:14](#)

ولكن من كتر الصلاة عليه تبقى معه يوم القيامة. عشان كده النبي صلى الله عليه وسلم قال اكثروا من الصلاة علي يوم الجمعة. فان صلاة امتي تعرض علي يوم الجمعة. يعني مش بس صلاتك يوم الجمعة. ده انت صلاتك طول الاسبوع تعرض على النبي عليه الصلاة

والسلام يوم الجمعة. مش - [00:08:34](#)

بس صلاتك على النبي يوم الجمعة فان صلاة امتي تعرض علي يوم الجمعة فاكثركم علي صلاة اقربكم مني منزلة. فاكثركم علي صلاة

اقربكم مني منزلة. مش عايز تقرب من حبيب الله عليه الصلاة والسلام. مش عايز تبقى قريب من قلبه - [00:08:54](#)

مش عايز تبقى قريب من منزلته في الجنة ؟ قال رسول الله صلى الله عليه وسلم ان لله ملائكة سيئة الى حين عارف كلمة سياحين

ديت في الدنيا كلها. ليه بيلغوني السلام من امتي. يبقى فيه ملائكة ربنا خصها - [00:09:14](#)

سبحانه وتعالى عشان عبادة واحدة بس. عبادة الصلاة على رسول الله. صلى الله عليه وسلم. اسمع بقى الحديث المبهر ده. اسمع

الحديث اللي يخطف القلب ده. كل هذه الاحاديث صحيحة - [00:09:34](#)

عن النبي عليه الصلاة والسلام اسمع بقى الحديث العظيم ده. قال رسول الله صلى الله عليه وسلم من صلى علي من امتي مخلصا من

قلبه. من صلى علي من امتي. انا مش شايف الناس قاعدة تقول عليه الصلاة والسلام ليه ؟ انا مش - [00:09:44](#)

يا ابني لآخر الدرس بقى ابدأ اتمرس. انك تسمع عن النبي وانت قاعد تصلي عليه. تمهيدا لان الصلاة على رسول الله صلى الله عليه

وسلم ديت زي ما هنقول الوقتي يوم الجمعة يبقى عندك ورد. ورد سابت صلاة على النبي عليه الصلاة والسلام قبل صلاة الجمعة

بساعة. قبل المغرب من العصر للمغرب. هتقعد جلسات - [00:10:04](#)

بالصلاة على حبيب الله محمد عليه الصلاة والسلام. طول ما انت ماشي تصلي على النبي عليه الصلاة والسلام. هتقوم ليل بالصلاة على

النبي عليه الصلاة والسلام. ولكن احنا عايزين هذه الصلاة تبقى صلاة حية في قلوبنا ومثمرة في حياتنا. وهو ده الهدف اللي احنا

بنحاول فيه مع بعض الليلة باذن الله. ان احنا نبدأ نوصل لقيمة - [00:10:24](#)

الصلاة على النبي عليه الصلاة والسلام ونحس بايه ؟ ونفتكر ايه واحنا بنصلي عليه عشان قلوبنا تنور بالصلاة عليه. عليه الصلاة

والسلام. كنت بقول حديث ايه ها مين اللي صاحي معي ؟ من صلى علي من امتي صلاة مخلصا من قلبه. صلى الله - [00:10:44](#)

عليه بها عشرا. ورفع الله بها عشر درجات. وكتب الله له بها عشر حسنات ومحى عنه عشر سيئات. ده بايه ؟ عليه الصلاة والسلام. او

بالنص الثاني من التحيات اللهم صل على - [00:11:04](#)

محمد وعلى ال محمد كما صليت على ابراهيم وعلى ال ابراهيم انك حميد مجيد. اوبى عليه الصلاة والسلام. او بصلى الله على النبي

محمد عليه الصلاة والسلام امري الامر فيه سعة انك انت تصلي على النبي مرة عليه الصلاة والسلام عشر درجات ترفع يبقى الصلاة

على النبي بترفع مقامك في الجنة. بتأسر على مقامك - [00:11:24](#)

في الجنة كما قال النبي صلى الله عليه وسلم اكثركم علي ان اولى الناس بي يوم القيامة. شف الحديث ده بقى ان اولى الناس بي

يوم القيامة. يعني ايه اولى الناس بي يوم القيامة ؟ يعني اولى الناس بالنبي عليه الصلاة والسلام ساعة الشرب من على الحوض. يعني

اولى الناس بشفاعة النبي عليه الصلاة والسلام. يعني اقرب الناس من النبي عليه الصلاة والسلام. ما هو مليار مليارات من امة محمد جاية على الحوض يوم القيامة تروح فين نص كل دول ؟ فالنبي بيديك مفتاح عليه الصلاة والسلام. بيقول لك ان اولى الناس بي يوم القيامة اكثرهم على - 00:12:04

اي الصلاة؟ عليه الصلاة والسلام. يبقى او اولى الناس اكسر الناس حزا من شفاعة النبي عليه الصلاة والسلام اكثر الناس حظا من القرب من النبي عليه الصلاة والسلام على الحوض اقرب الناس حظا من القرب من رسول الله صلى الله عليه وسلم يوم القيامة ها اكثرهم علي صلاة ان اولى الناس - 00:12:24

يوم القيامة اكثرهم علي صلاة. يعني تخيل كده ما من مسلم يسلم على النبي صلى الله عليه وسلم الا رد الله الي روعي فارد عليه السلام. يعني ما فيش واحد يقول عليه الصلاة والسلام الا والنبي يرد عليك. تخيل بقى اللي بيرد عليك مسلا مش - 00:12:44  
قل لملك السلام عليكم يقول لك وعليكم السلام ورحمة الله وبركاته. اللي بيرد عليك النبي عليه الصلاة والسلام. اللي بيرد عليك رسول الله صلى الله عليه وسلم. تخيل اي شرف هذا - 00:13:04

اي شرف لما سيدنا علي بن ابي طالب رضي الله عنه يقول في الاثر الصحيح لما سيدنا علي بن ابي طالب يقول كل دعاء جوب حتى يصلى على النبي صلى الله عليه وسلم وعلى ال بيته. كل دعاء محجوب حتى يصلي على النبي. سيدنا عمر يقول كل - 00:13:14  
ان موقوف بين السماء والارض حتى يصلى على النبي صلى الله عليه وسلم. يعني دعائك محجوب من غير الصلاة على النبي عليه الصلاة والسلام. دعائك واقف ما بيتفتحلوش ابواب السما حتى يصلى على النبي عليه الصلاة والسلام. عشان كده في صلاة الجنابة قبل ما بندعي للميت بنصلي على النبي عليه الصلاة والسلام. ليه ؟ لتفتح ابواب - 00:13:34

السماء للدعاء للميت. يبقى الصلاة على النبي عليه الصلاة والسلام من اسباب اجابة الدعاء. وعدم الصلاة عليه من اسباب عدم اجابة الدعاء خد قلوبنا ترق لهذه المعاني يا اخواني. المفروض قلوبنا ترق لهذه المعاني. المفروض الصلاة على النبي عليه الصلاة والسلام دي عبادة ذوي القربى الرقيقة. اهل - 00:13:54

حب النبي عليه الصلاة والسلام كان النبي صلى الله عليه وسلم في جوف الليل في رواية اذا مضى ربع الليل وفي رواية اذا بقي ثلث الليل يعني عند التلت الاخير. يقول النبي عليه الصلاة والسلام كان بيصحي الصحابة لقيام الليل. كان بيصحي المدينة المنورة لقيام الليل. يقول جاءت - 00:14:14

الراجفة تتبعها الرادفة. جاء الموت بما فيه. جاء الموت بما فيه. ايها ناس من خاف ادلج ومن ادلج بلغ. الا ان سلعة الله غالية. الا ان سلعة الله غالية. الا - 00:14:34

سلعة الله الجنة. يبقى النبي عليه الصلاة والسلام بيصرخ في الناس. بيصحي الناس عليه الصلاة والسلام. شف النبي وحرصه على الامة قد ايه. شف النبي وحرصه على عبادة قيام الليل قد ايه؟ تخيل كده او تخيلي لو النبي هو اللي تحت بيتك بيناديك عشان تصحى لقيام الليل. يبقى معناها قيام الليل ده عبادة مهمة قد ايه - 00:14:54

يبقى معناها النبي عليه الصلاة والسلام حريص على انه يربط قلبك بجلال ربنا قد ايه. ان الفرصة بتاعة اجابة الدعاء دي ما تروحش عليك قد ايه. فابو ابي ابن كعب استيقز او كان مستيقز ساعتها. فقال يا رسول الله اني اكثر الصلاة عليك. شف الحديث الخطير ده بقى - 00:15:14

اني اكثر الصلاة علي. اجعل لك جزءا جزءا فاجعل لك ربع صلاتي. يا رسول الله ربع الدعاء بتاعي او ربع القيام بتاعي اخليه صلاة عليك يا رسول الله. عليه الصلاة والسلام. فقال ما شئت فان زدت فهو خير لك - 00:15:34  
زدت فايه ؟ فهو خير لك. الكلمة دي خطيرة جدا. فان زدت فهو خير لك. كل ما هتزد كل ما هتشوف خير في دينك ودينك قال اجعل نصف صلاتي لك؟ قال ان شئت فان زدت فهو خير لك. كلمة تتعلق قدامك كده شعار - 00:15:54  
فان زدت فهو خير لك. قال له اجعل ثلثي صلاتي عليك. اخلي رسول الله تلتين قيام الليل عليك. او تلتين الدعاء بتاعي كله الله عليك

انت يا رسول الله قال ما شئت فان زدت فهو خير لك. قال اجعل كل صلاتي لك عليه الصلاة والسلام. 00:16:14 اذا -

ان اذا تكفى همك ويغفر لك ذنبك. تكفى همك يعني مشاكل الدنيا تتحل. كفاية من الله. ويغفر لك ذنبك يعني مشاكل الآخرة تتحل.

في رواية اذا يكفيك الله ما اهمك من امر دينك ودنياك. يعني ربنا يودي الهم من حياتك - 00:16:34

يعني لو من اراد علاجاً لهم يقوم الليل بالصلاة على رسول الله صلى الله عليه وسلم. من اراد علاجاً لله. جرب كده انك انت الليلة كده قيام الليل بالصلاة على النبي عليه الصلاة والسلام. انك انت تصلي على رسول الله. قيام الليل كده. وانت بقلب حي وبزهن يقظ وبقلب

نشيط ولسان منطلق - 00:16:54

عليه الصلاة والسلام. اللهم صل على محمد وعلى آل محمد. كما صليت على ابراهيم وعلى آل ابراهيم انك حميد مجيد. نبي عليه الصلاة والسلام. يا اخواني قال من صل علي صلاة صلى الله عليه عشرا. النبي عليه الصلاة والسلام دخل على الصحابة فرحان. مسرور

فقالوا ما لك مسرور يا رسول الله؟ قال ان الملك - 00:17:14

اتاني فقال اما يرضيك يا محمد ان ربك عز وجل قال ما من عبد ما من احد يصلي علي الا صلى الله عليه بها عشرا. وما من احد يسلم

عليك الا سلم الله عليه بها عشرا. فقال - 00:17:34

النبي عليه الصلاة والسلام رضي بهذا الثواب العظيم وهذا الفضل العظيم يا اخواني في الله. النبي عليه الصلاة والسلام قال ابخل الناس من ذكرت عنده فلم يصلي علي. انتم بخلاء ولا ايه؟ يا عم صل على النبي عليه الصلاة والسلام. يا عم انت انت لسانك بينسى

كل شوية ليه - 00:17:54

ما تبطلش صلاة عليه. احنا اتفقنا مع بعض الساعة اللي احنا مع بعض فيها الليلة دي عليه الصلاة والسلام. ان شاء الله باذن الله لا تكف

من الصلاة على حبيب الله. ده - 00:18:14

تسألك على الذكر بقى اطلق لسانك في ذكر الله بقى. عايزين نطلع على وش الدنيا بقى. كان اب بيتشاكل مع ابنه كان جايب لابنه عروسة غنية عندها فلوس كتير فابنه مش عايز. فابوه بيقول فالاب بيقول لابنه يا ابني حرام عليك. خلينا نطلع على وش الدنيا بقى.

فسبحان الله العظيم - 00:18:24

فلما سمعت الكلمة ديت ضحكت قلت ياه هو ده الطلوع على وش الدنيا ولا ده سبحان الله الطلوع على وش الدنيا يا جماعة ان احنا نبقى من الذاكرين الله والذاكرات يبقى عداد الحسنات شغال وقاربين من الله سبحانه وتعالى. وننال كرامات الذاكرين وننال عطاءات

الله للذاكرين الله - 00:18:44

كثيرات والذاكرات النبي عليه الصلاة والسلام طلع المنبر. فطلع الخطوة الاولى قال امين. طلع الخطوة الثانية قال امين. طلع الخطوة الثالثة قال امين. فالصحابه يبسألوه. قال اتاني جبريل فقال يا محمد بعد من ادرك رمضان فلم يغفر له. قل امين فقلت امين. الخطوة

الثانية بعد من ذكرت - 00:19:04

اعده فلم يصلي عليك. قل امين. فقلت امين. الخطوة الثالثة بعد من ادرك والديه في الكبر ولم يدخله الجنة. قل امين فقلت امين ايه

الرابط ما بين رمضان والصلاة على النبي صلى الله عليه وسلم والوالدين لما في سنهم بيكبر؟ ايه الرابط - 00:19:24

ان تلت ابواب الرحمة لو الواحد عامل زنوب ايه؟ ربنا يرحمه بسببهم. تلات ابواب للرحمة والمغفرة الشاملة. يعني الصلاة على النبي جه عليه الصلاة والسلام يعني الذي لا يصلي على رسول الله صلى الله عليه وسلم كما قال النبي من نسي الصلاة علي خطي طريق

الجنة. من - 00:19:43

نسي الصلاة علي خطي طريق الجنة. مش هيعرف طريق الجنة يوم القيامة. يعني على النار والعياذ بالله. يعني تارك الصلاة على رسول الله ده بعيد عن الله سبحانه وتعالى. من نسي الصلاة علي خطي طريق الجنة. متخيل ان اللي لا يصلي على النبي صلى الله

عليه وسلم - 00:20:03

عليه دعوة النبي ودعوة جبريل. دعوة جبريل بتأمين النبي صلى الله عليه وسلم. يبقى اذا يا اخواني كما قال النبي صلى الله عليه

وسلم الصلاة الصلاة على النبي بتفرق معك في الميزان ليه؟ عشر حسنات في الكفة مع كل مرة وعشر سيئات يتشالوا من كفة



السينات مع كل مرة. بتفرق معك في الصراط - 00:20:23

قال رسول الله صلى الله عليه وسلم ورأيت رجلاً يزحف على الصراط ويحبو مرة تتعلق مرة فجاءته صلاته علي فاقامته وانقذته. فجاءته صلاته علي فاقامته على قدميه وانقذته. بسبب الصلاة على النبي صلى الله عليه وسلم نجا من السقوط من على الصراط.

بسبب الصلاة على حبيب - 00:20:43

محمد صلى الله عليه وسلم. فهي من جاء. يا اخوانا احنا ليه بادئين اول درس بعد العيد الكبير بالصلاة على النبي عليه الصلاة والسلام؟ فاكرين اول درس بعد العيد السوار كان عن ايه؟ حد فاكرو؟ لا اول درس اول درس بدأنا فيه بقى في انطلقنا فيه حد فاكرو

كان ايه - 00:21:13

ايوة اسم الله البر. فاكرين قلت ايه وقتها؟ قلت احنا بادئين فترة فترة من العيد الصغير العيد الكبير دي معظم الملتزمين والملتزمات فاترين فيها. معظم بيجرش فيها. للأسف الشديد للأسف رغم ان المفروض تكون فترة انطلاق. فقلت لكم احنا عايزين نستفتح يا

جماعة عشان ربنا يفتح علينا - 00:21:33

عشان ربنا يفتح لنا في التلات شهور دول نبدأ باسماء الله الحسنى. اهي دي نيتي النهاردة وانا جاي اتكلم عن النبي عليه الصلاة

والسلام. وانا جاي اتكلم عن الصلاة على رسول الله صلى الله عليه وسلم - 00:21:53

من اسباب الفتح ان كلنا الاسبوع ده نصلي على النبي عليه الصلاة والسلام. سواء الغافل مننا او المجتهد. المجتهد هيصلي الاسبوع ده وهيكمل مدى حياته ان شاء الله. الغافل والغافلة بقى هيقعد الاسبوع ده يجتهد وبعد كده هينام. انما الاسبوع ده كلنا نجتهد فيه في

الصلاة على حبيب الله عليه الصلاة والسلام. قربنا - 00:22:03

افتح علينا بقى لان من العيد الكبير لحد واحد رجب بداية موسم الاستعداد لرمضان ست شهور ونص يا جماعة. ست شهور ونص وبعد كده رجب وشعبان شهرين تمن شهور ونص على رمضان. عشان كده الفترة دي من بعد العيد الكبير دي فترة الاستقرار التربوي

كله. دي فترة المنهج التربوية كلها - 00:22:23

لان رمضان موسم وشعبان قبله موسم. وبعد رمضان داخليين على عشر ذي الحجة موسم. ما بين العيد الصغير والكبير. فالفترة من واحد رجب لحد نهاية العيد الكبير دي فترة المواسم. دي فترة الدروس بقى اللي بننتقل في الدعوة وبننتقل في العبادة. انما من اول

العيد الكبير دي فترة ايه؟ تمن شهور - 00:22:43

ونص تربية. تمن شهور ونص طلب علم. تمن شهور ونص سير الى الله. سبحانه وتعالى. معي يا اخواني في الله. يبقى اذا الصلاة على النبي صلى الله عليه وسلم تكلمنا عن اول نقطة فيها الان وهي تستشعر ايه وانت بتصلي على حبيب الله محمد عليه الصلاة والسلام

تستشعر فضلك - 00:23:03

الصلاة على النبي صلى الله عليه وسلم. طيب ثاني نقطة تستشعر ايه وانت بتصلي على النبي صلى الله عليه وسلم. تستشعر ايه؟ ها

حد منكم يقول ايه ثاني يحسه وهو بيصلي على النبي عليه الصلاة والسلام - 00:23:23

قل ياه ها ما تستشعرش حاجة تستشعر ايه ما انت شايل هم ايه اللي تفكر فيه وانت بتصلي على النبي بتسخن في الصلاة عليه اكثر.

تقوم تولع بقى. ها عليه الصلاة والسلام. ايه اللي تفتكره؟ اول حاجة قلناها الفضل بعشر درجات - 00:23:38

في عشر مرات ربنا يصلي علي تقومني على الصراط. ايه ده! تخلي ابواب السما تتفتح لدعائي. يبقى المرة الاولانية كده تخلي اخواتي كلها تفرج. صدقة بديل عن اللي ما معهوش فلوس تعد له صدقة. سبب لتفريج الكربات. سبب لملأ الميزان بالحسنات - 00:23:58

ايه سبب لاني ابقى قريب من النبي في المنزل في الجنة؟ سبب ان انا ابقى اولى الناس بالنبي يوم القيامة. النبي يعرف اني باصلي

عليه ويعرف عليه الصلاة والسلام ويرد علي سلام - 00:24:18

يبقى ده الجزء الاول اللي احنا كنا بنتكلم فيه. الجزء الاول اللي يلهم حماسك في الصلاة على النبي صلى الله عليه وسلم. اللي هو

فضل الصلاة على النبي. ايه الحاجة - 00:24:28

اللي تخليك تولع في الصلاة على النبي عليه الصلاة والسلام. جميل ايه كمان؟ ها؟ استشعار اه يعني ايه بقى الذي امرك بالصلاة على

النبي هو الله؟ يعني ايه ديت ؟ استشعار ايه ؟ آآ اللي هي استشعار ايه ؟ محبة الله - 00:24:38

الرسول عند الله. مقام النبي عند الله. جزاك الله خيرا. يبقى دي ثاني نقطة اهو. خلاص يا عم خليكم انتم اللي ترتبوا الدرس الليلة ان شاء يبقى ثاني نقطة ايه ؟ استشعار مقام النبي عند الله. عارف يعني ايه ؟ لما ربنا يقول ان الله وملائكته - 00:24:58  
تكته متخيل منزر الكون بيصلي على حبيب الله محمد صلى الله عليه وسلم ان الله وملائكته يصلون مضارع مستمر على النبي يا ايها الذين امنوا صلوا عليه وسلموا تسليما. احنا يا رب قيمة صلاتنا ايه بعد ما ملك الكون صلى عليه. قيمة صلاتنا ايه بعد ما ملك -

00:25:18

السموات السبع صلت عليه. انت تتشرف بان تنضم الى الكون في الصلاة على النبي صلى الله عليه وسلم. مش النبي اللي بيستفاد منك انت اللي بتستفاد. انت اللي بتتشرف الله يعلمك من هو محمد. الذي لولاه لكنت فحمة من فحم جهنم. والعياذ بالله. من هو رسول الله عليه الصلاة والسلام - 00:25:38

طب يعني ايه مقامه ؟ ما فيش حاجة يا اخوانا الواحد ممكن قلبه يعني يتهز فيها. بيستشعر مقام النبي زي رحلة المعراج. لما النبي عليه الصلاة والسلام طالع ابواب السماوات قاعدة تتفتح امامه. عليه الصلاة والسلام باب السماء الاولى والثانية والثالثة والرابعة هو من السماء تفتح امام النبي صلى الله عليه وسلم. حتى ازا وصل الى السماء السابعة - 00:25:58  
رأى مشهدا باهرا. شاف البيت المعمور. شاف جوار الملائكة بالتلبية. شاف سبعين الف ملك قاعدين يطوفوا كل يوم سبعين الف غير اليوم اللي قبله غير اليوم اللي بعده. منذ خلقه الله لم يتكرر. الملائكة عليه. يبقى ملايكة السماء السبعة دول عددهم قد ايه ؟ شاف سيدنا ابراهيم - 00:26:18

انسان الضهر وللبيت المعمور. سيدنا ابراهيم اللي بنى الكعبة في الارض ربنا ادى له جزاء من جنس العمل. اسكنه عند البيت المعمور في السماء السابعة اما يصعد النبي صلى الله عليه وسلم الى مكان لم يصعد له بشر في التاريخ. صعد الى سدره المنتهى. ترك ابراهيم وصعد الى - 00:26:38

سدره المنتهى عليه الصلاة والسلام وعند سدره المنتهى رأى ثلاث مبهرات. رأى جبريل على حقيقته بالاستمية جناح ورأى قدرة المنتهى وسدره المنتهى اسمها سدره المنتهى. لانها عندها نهاية الكون اللي تحتها ونهاية الكون اللي فوقها. عالم من تحت - 00:26:58

صدرت لمنتهى السماوات السبع وعلم ما فوق سدره المنتهى العرش وحجاب النور عالم وسدره المنتهى عندها باب الجنة فالنبي شاف الجنة من برة وشاف سدره المنتهى وشاف جبريل على حقيقته عليه السلام. تخيل سدره المنتهى لما النبي عليه الصلاة والسلام بيقول لك يقول لك ما يستطيع - 00:27:18

مسلم ما يستطيع احد ان ينعته من شدة الحزن عليها الوان وفراش من ذهب ومنزر سدره المنتهى والنبي عليه الصلاة والسلام بيقول لك ما فيش ما فيش حد يقدر يوصفها. ما فيش حد يقدر يوصفها للناس. وحينما تحولت نعيم الجنة نفسه بيتحول يا جماعة. يعني ايه بيتحول ؟ يعني يتغير لوانه. ويتغير اشكاله - 00:27:38

ويتغير الجمال اللي فيه. يعني النبي عليه الصلاة والسلام رأى سدره المنتهى بوصفها البديع. ورأى الجنة من برة بقى بروعتها ثم دخل الجنة عليه الصلاة والسلام. شف يا محمد ملك امتك بقى. لو انتم تحت مضطهدين ومتبهدين. واهل الباطل قاعدين يسجنوا فيكم. وقاعدين - 00:27:58

ييهدلوا فيكم. اطلع شف ملك امتك في الجنة شكله ايه. ثم يصعد النبي صلى الله عليه وسلم فوق سدره المنتهى. ما فيش مخلوق. اللي صعد فوق السماء السبعة ما فيش بشر طلعا. اخر البشرية ابراهيم والنبي عداه. سدره المنتهى دي جبريل نفسه ما طلعتش فوقها. ما فيش ملك ولا مخلوق تحت سدره - 00:28:18

طلع فوقها ولا مخلوق من فوقها نزل تحتها. فيصعد النبي صلى الله عليه وسلم يقول حتى وصلت الى مستوى اسمع فيه مصاريف الاقلام. كتاب القدر الملائكة التي تكتب بامر الله الاقدار. يعني وصل لفين ؟ وصل حتى حجاب النور. فلما سألتها السيدة عائشة -

في صحيح مسلم هل رأيت ربك؟ قال نور انها رآه. شاف حجاب النور عليه الصلاة والسلام. ورأى حملة العرش عليه الصلاة والسلام  
قال قال اذن لي ان احدث عن ملك من حملة العرش ما بين اذنه وعاتقه مسيرة خمسمائة عام. او كما قال حبيب الله عليه -

الصلاة والسلام. يعني يا اخواني النبي رأى واحد من حملة العرش الاربعة. يعني رأى حملة العرش. ورأى العرش ورأى حجاب النور.  
قال تعالى ثم دنا فتدلى. قال احد المفسرين اي سجد فسجد في مكان لم يسجد فيه مخلوق لله. سبحانه وتعالى. انت عايز رحلة -

ربنا يقول للنبي فيها شف يا محمد مقامك في السماء ايه لو اهل الارض اضطهدوك. لو اهل الارض اذكوك. يبقى تصلي عليه وانت  
تذكر مقامه عند الله. عليه الصلاة والسلام. يبقى النقطة الاولانية تفتكر ايه؟ فضل الصلاة عليه. عليه الصلاة والسلام. النقطة الثانية -

مقامه عند الله. ان الله وملائكته يصلون على النبي. انتم برضو ما بتصلوش على النبي. يا نهار ابيض يا اخي قل عليه الصلاة والسلام.

انا عايز وانا باتكلم صوت الصوصة بتاعة عليه الصلاة والسلام بتاعة نطق السين والصاد ديت تبقى - 00:29:58

المسجد عليه الصلاة والسلام عليه الصلاة والسلام. يا اخي بطلوا بخل يا اخي. من ذكرت عنده فلم يصلي علي ابخل الناس دلوقتي انا  
قاعد اذكر النبي ما بتصليش عليه ليه؟ ما انا قاعد طول الدرس اهو بتكلم عن النبي عليه الصلاة والسلام. يبقى انت لازم طول الدرس

تفضل تصلي على النبي عليه الصلاة والسلام - 00:30:18

والا تبقى من ابخل الناس. والا يبقى عندك شفاء. طيب ايه تاني اللي تفتكره وانت تصلي على رسول الله صلى الله عليه وسلم ايه

تاني اللي تفتكره وانت تصلي على النبي صلى الله عليه وسلم؟ ها تفتكر ايه؟ قل ها بلا. ايه - 00:30:38

اه جميل قوي قوي ده. يعني ايه معاناة النبي ديت؟ اللي هي ايه؟ يعني لما يقول لك ابويا شقي عشان يربينا. عشان نطلع في الاخر

رجالة محترمين كده واخواننا ستات محترمين. ابونا شقي يبقى - 00:30:58

ابونا بيعمل ايه؟ ابونا حاسس ناحيتنا بايه؟ ايه؟ حب النبي لك. عليه الصلاة والسلام ان انت تفتكر حبه لك قد ايه عليه الصلاة

والسلام. عليه الصلاة والسلام. يا اخوانا النبي عليه الصلاة والسلام لو ذكرت - 00:31:18

قناته لاجلك عشانك انت. منظر رجلين النبي في اخر حياته. والعباس شاييل كتف وسيدنا علي شاييل كتف النبي عليه الصلاة والسلام  
ورجلاه تخطان رجلين النبي خلاص. مش قادر انه حتى يمشي عليه عليه الصلاة والسلام. الرجل اللي ظلت ثلاثة وعشرين سنة تاسعة

عشان الدعوة - 00:31:38

توصل لك. عشان انت تطلع مسلم. كفاح رهيب. النبي عليه الصلاة والسلام يا اخوانا وهو في مكة مات له ثلاث اولاد ذكور. ثم ماتت

خديجة رضي الله عنها وما فيش يوم توقف عن الدعوة الى الله. يوم غزوة بدر ماتت رقية. البنت الاولى ماتت رقية يوم غزوة بدر.

وبعد - 00:31:58

فتح مكة ماتت السيدة زينب متأثرة بجراحها اللي اصيبت بها وهي بتهاجر. لما هبار ابن الاسود طعن الدابة بتاعتها فسقطت

واجهضت واصيبت وفصلت تتألم ست سنين من جراح مزمنة لحد ما ماتت. متأثرة بالضرب اللي هو الجراح المزمنة. رضي الله عنها.

ها وبعد كده تموت ام - 00:32:18

ام كلثوم وتموت من والسيدة فاطمة اللي فصلت بشرى بموتها قبل ان يموت. عليه الصلاة والسلام. ويوم ان كسفت الشمس مات ابنه

في اطول صلاة بكى فيها النبي عليه الصلاة والسلام. ولسه دافن ابراهيم من ساعتين. ها ولكن ليس حزنا على ابراهيم وانما خوفا

عليك - 00:32:38

خوفا علينا خوفا علي وعليك وعليك. من النار. النبي عليه الصلاة والسلام تحمل الام تشق لها الجبال. دفن سبعة عم ولاده بايديه ولم

يتوقف عن الدعوة يوم واحد. ولا ساعة واحدة عليه الصلاة والسلام. زوجته خديجة ماتت. كل اللي حبوهم ماتوا - 00:32:58



حب حمزة مات وقتل. حب مصعب اتقطع قدومه في احد. حب عثمان ابن مزعون مرض ومات. عليه الصلاة والسلام. النبي عليه الصلاة والسلام احفاده اما بنت لم تنجب واما زي ابن السيدة رقية اللي مات واما زي حفيدته اللي ماتت. النبي عليه الصلاة والسلام مات له كم حفيد - [00:33:18](#)

في حياته ده غير موت ابنائه عليه الصلاة والسلام. ده الواحد بيموت له عيل بيفضل طول حياته مكسور ومقطوم وسطه. النبي عليه الصلاة والسلام كل دول ماتوا له لم يتوقف عن جهده لانقاذك. ولم يتوقف عن جهده لان يوصل لنا الدين. عليه الصلاة والسلام. كل هذه الامم - [00:33:38](#)

وكل هذا التحمل عليه الصلاة والسلام استحتمل جوع قد ايه. لما كان يمر عليه الهلال تلو الهلال تلو الهلال. ما فيش في بيته نار. طب الشهرين دول اللي عايشوهم على التمر والماية - [00:33:58](#)  
لم يكن يكف عن الدعوة الى الله يوما. عليه الصلاة والسلام. يعني هذا الجوع لدرجة انه يخرج من بيته يقابل ابو بكر وعمر يقول لهم عشان الجوع عليه الصلاة والسلام. خرج من الجوع من بيته. عليه الصلاة والسلام. قالت السيدة عائشة في صحيح البخاري ما شبعنا من القبر حتى فتحت خيبر - [00:34:08](#)

عشرين سنة النبي عليه الصلاة والسلام بينام جعان. عشرين سنة ما شبعش غير لما فتحت خيبر. عليه الصلاة والسلام. كل الجوع اللي استحمله ده عشانك. عشانك. ما هو كان ممكن يسعى على امر الطعام والشراب. ولكن سعى على انقاذك من النار وتحمل ما لا يتحمل - [00:34:28](#)

عمال وبشر من اجل انقاذك. عليه الصلاة والسلام يروح يفتح مكة. يخلص فتح مكة يطلع على حنين. تخلص غزوة حنين يطلع على الطائف تخلص غزوة الطائف يرجع على مكة بالعمرة يخلص مكة يطلع على المدينة لعام الوفود. يسبب الوفود ويطلع على غزوة تبوك - [00:34:48](#)

يرجع من تبوك الف وخمسميت كيلو متر وعنده اثنين وستين سنة. ليستكمل استقبال الوفود مجهود قاتل. مجهود قاتل عليه الصلاة والسلام. في رجليه ما قدرتش تشيله. السيدة عائشة بتقول كان اكثر صلاة النبي قبل موته وهو جالس. قالوا لها متى؟ قالت بعدما حطمه الناس. بعد ما - [00:35:08](#)

حطم جسده وصحته عليه الصلاة والسلام. كل ده عشانك. عليه الصلاة والسلام يرجع من غزوة بني المصطلق. يحصل حادثة الافك. يفضل المجتمع شهر فيها. يبجي اخبار الاحزاب يفضلوا قرب الشهر في حفر الخنادق. يبجي الاحزاب حوالي شهر في الحصار. يتفك الحصار يطلعوا في نفس اليوم على بني قريظة - [00:35:28](#)

السلام لا ينام من اجل انقاذك. كل المجهود ده من اجل انقاذك. لولاه لكنت فحمة في جهنم. لولاه لكن فحم من صاحب جهنم يبقى افتكر حبه لك. وهو قبل ما بيموت بايام يقول ودنا انا رأينا اخواننا. قالوا له اولسنا اخوانك يا رسول الله؟ قال بل انتم - [00:35:48](#)  
واصحابي لأ ده هو نفسه يشوفك انت. ده هو نفسه يشوفك انت عليه الصلاة والسلام. يبقى افتكر حبه لك. يبقى ازا وانت تصلي على رسول الله صلى الله عليه وسلم. رقم واحد افتكر فضله عليك. رقم اثنين افتكر مقامه عند الله عليه الصلاة والسلام. افتكر الكون كده ملايكة السماوات السبع بتصلي عليه - [00:36:08](#)

صل عليه عليه الصلاة والسلام. رقم ثلاثة افتكر حبه لك عليه الصلاة والسلام. رقم اربعة افتكر حاجتك اليه عشان بقى ايه نبدأ بعد الصلاة بعد الاذان في حاجة جديدة. افتكر حاجتك الي عليه الصلاة والسلام. انت محتاج له يوم القيامة على الحوض - [00:36:28](#)  
على حوض النبي عليه الصلاة والسلام وانت داخل كده وواحد بيجري من وراك. احسب واصحاب محمد ان يستأسروا به دوننا. ده ابو مسلم الخولاني وواحد تاني بيجري وراك اينقص الدين وانا حي؟ ده ابو بكر الصديق. وواحد تالت بيجري وراك انا اتخلف عن رسول الله ده علي ابن ابي طالب. رضي - [00:36:48](#)

تعرف هتروح فين ساعتها؟ انت عارف يعني ايه الحوض؟ الحوض ده اختيار مصيري. الحوض ده اختيار مصيري. اولى الناس بي يوم القيامة اكثرهم علي صلاة. الحوض ده اختيار مصيري. الحوض ده معناه يوم الفزع الاكبر يوم الرعب الرهيب ده مكان الامن يوم

القيامة. ده مكان انت عارف يعني ايه سما بتقع على - 00:37:08

الارض ولا السبع سموات بيوقعوا على الارض؟ انت عارف يعني ايه ارض بتدك؟ انت عارف يعني ايه الجبال بتزول؟ انت عارف يعني ايه ملائكة في كل مكان. انت عارف يعني ايه - 00:37:28

بتسعر انت عارف يعني ايه ميزان بينصب والصراك بينصب على شفير جهنم؟ ده مكان الامن. مكان الامن يوم الفزع الاكبر. ده مكان انا الري يوم العطش الاكبر. عارف يعني ايه الناس؟ لما ربنا يستدرج الكفار لجهنم. يصورها لهم في شكل مية وهم يقولون -

00:37:38

سنريد ان تسقينا يجروا يقعوا في جهنم زنا منهم انها ماء. الحلقو بتتمزق. خمسين الف سنة. ما فيش كولدير زي دهوت في ارض المحشر. ما فيش ما فيش قلة في ارض المحشر. ما فيش حنفية مية في ارض المحشر. مكان الري في يوم العطش الاكبر. مكان الامن في يوم الفزع الاكبر - 00:37:58

مكان النجاة في يوم الغضب الاكبر. ان الله غضب اليوم غضبا. لم يغضب مثله قات. لما ربنا غضب في الدنيا اعصار كاترينا وحده امريكا كلفت فيه كم؟ كم عدد من المليارات بيقول لك ان الولاية ديت قدامها مش عارف متين سنة اما تتبني تاني زي ما كانت ده ده

00:38:18 -

شوية هوا اتحركوا يعني زلزال واحد دقيقة في الارض ثلاثين الف بني ادم ماتوا. بركان واحد سنة الف تسعمية قتل ثلاثين الف بني ادم في دقائق. يعني هذا غضب الدنيا فما بالك بغضب الاخرة. اومال غضب يوم القيامة بقى فهذا مكان النجاة - 00:38:38  
يوم الغضب الاكبر. يعني الحوض ده اختيار مصيري. يعني الحوض ده مش مكان انت رايح تشرب كده وخلص. ولا يظلم بعده ابدأ. ولا لن بعده ابدأ ولا يسود وجهه بعدها ابدأ. التلات حاجات دول حلوين اوي. بس فيه تلات حاجات تانيين خطيرين جدا. ان الرية يوم العطش الاكبر - 00:38:58

والنجاة يوم الغضب الاكبر والامن يوم الفزع الاكبر. يبقى محتاج انت محتاج النبي عليه الصلاة والسلام يوم القيامة بازن الله وحده. محتاج النبي عليه الصلاة والسلام يبزل عشانك مجهود اكر من المجهود اللي بذله من اجل الدنيا. يبقى افكر الحوض وافكر حاجتك لان تشرب من يد النبي. صلى الله عليه وسلم على الحوض - 00:39:18

افتكر ان دعاءك موقوف ومحجوب بدون الصلاة على النبي. وان جبريل دعا عليك ان لم تصلي على النبي عليه الصلاة والسلام. وانك تخطى طريق الجنة ان لم تصل على النبي عليه الصلاة والسلام. وانك عند الله ابخل الناس ان لم تصل على النبي عليه الصلاة والسلام. محجوب موقوف بخيل ها بعد الوقت - 00:39:38

دعاء جبريل وتأمين النبي عليه الصلاة والسلام ونكمل بعد اذان العشاء ان شاء الله. الحمد لله وكفى وصلاة وسلاما على عباده الذين اصطفى اما بعد بركات الصلاة على رسول الله صلى الله عليه وسلم. يا عم انتم بقوكم ساكت! شكلنا هنتشارك مع بعض النهاردة. يلا عليه الصلاة والسلام. عليه الصلاة والسلام. قلبك - 00:39:58

العلماء قال لك ان اعظم الزكر مش اللي يبدأ باللسان وبعد كده القلب يشغل. قال لك اعزم الزكر اللي قلبك بيدأ به وتلاقي لسانك فاض فيه لوحده نفسك تفاجأ أنك بقى لك عشر دقائق قاعد تزكر وانت مش حاسس. لان قلبك هو اللي بيزكر عليه الصلاة والسلام. يعني انت قلبك قاعد يقعد ساكت كده من غير صلاة عليه ازاى - 00:40:18

عليه الصلاة والسلام. يعني بدأت يعني كرامات الصلاة على الرسول عليه الصلاة والسلام تيجي. وبعض يعني قصص اخواننا الذين يعني قعد آآ آ الفضلاء رزق الحج ولم يكن ينتظره ابدأ. ولم يكن له ان يحج على كلامه يعني. كان يصلي على النبي عليه الصلاة والسلام الف مرة في اليوم. يعني - 00:40:38

والله يا جماعة ده الصلاة على النبي عليه الصلاة والسلام فيها من الفتوحات ما لا يوصف. ما لا يوصف. عايزين نقفل الكلام بتاعنا. يعني من اعظم الحاجات اللي انا شخصيا باحس بها وانا باصلي على النبي عليه الصلاة والسلام. قلب محمد وشمائل محمد عليه الصلاة والسلام. شمال المحمدية ديت مع بعض اخواني - 00:40:58

يعني عملنا مجلس صلاة على النبي عليه الصلاة والسلام ثلاث اربع مرات كده. خدنا الشمائل فيها من اولها لآخرها. نسمع شمائل النبي ونصلي عليه. انك انت تفتكر النبي عليه الصلاة والسلام وهو مع السيدة عائشة في قمة الشهوة. مراته الجميلة الشابة الصغيرة اللي بيحبها. اكثر واحدة بيحبها في الدنيا يقول لها ظريف - [00:41:18](#)

اني اتعبد لربي بعد ما مس جلده جلدها ويقف يصلي لحد ما يبيل الارض عليه الصلاة والسلام من الدموع الايمان الى الله الطغى على كل شهوة للجسد. عليه الصلاة والسلام. لما النبي يواصل تلت تيام ورا بعض صيام. اتنين وسبعين ساعة من غير - [00:41:38](#)  
لا اكل ولا شرب الا شربة مية المغرب. وبيقوم الليل وبيدعو الى الله ويجاهد في سبيل الله. النبي عليه الصلاة والسلام من اين اتى بهذه الطاقة يعني معناها يا اخوانا ان الروح من كتر ما سمت بالشوق الى الله لغت الجسم. جسم الانسان اتلغى. لما تقعد تفتكر النبي عليه الصلاة والسلام - [00:41:58](#)

وهو عليه الصلاة والسلام في قيام الليل في الجهاد في سبيل الله. ينام وبعد كده يقوم يفضل يصلي وبعد كده الجسد والارهاق القاتل يغلبه ينام. وبعد كده يقوم يفضل يصلي وبعد كده الجسد والارهاق القاتل يغلبه ينام. وبعد كده يقوم يفضل يصلي الصراخ - [00:42:18](#)

ما بين قلب متوهج بالشوق الى الله. وما بين جسد مقتول من التعب. النبي عليه الصلاة والسلام قال مع الله. متخيل الانسان هاجم عليه ثلاث تلاف جندي من جنود المشركين وهو مع الله في غزوة احد. جيش المشركين هاجم عليه وبيقول لطلحة لو - [00:42:38](#)  
قلت بسم الله لرفعتك الملائكة. هو فيه حد يفكر في ده في الوقت ده ساعة الهزيمة قلبه مع الله. بعد احد يقول اصطفوا حتى على ربي ساعة النصر قلبه مع الله في فتح مكة ياخذ كل مكسور ضهره للامام عليه الصلاة والسلام من اللي - [00:42:58](#)  
لجلال الله. ساعة الخطر قلبه مع الله. مشركين يحاصروه في الغار. ولو نظر احدهم تحت قدميه لراه وهو يقول اسم اسكت ابا بكر ما ظنك باثنين الله ثالثهما. ساعة الفزع قلبه مع الله. ليلة بدر واخذها كلها دعاء بين يدي الله - [00:43:18](#)

سبحانه وتعالى ساعة الفتح قلبه مع الله في المعراج حينما فتحت له مشاهد السماوات ما زاغ البصر وما طغى ومع الخالق مش مع المخلوق. حتى لو مخلوقات عمره ما شافها ولا تخيلها قبل كده. ساعة الموت قلبه مع الله. بل الرفيق الاعلى - [00:43:38](#)  
وقبل ان يموت يقول اني ابرأ الى الله ان يكون لي منكم خليل. حدش حبه تخلق القلب الا ربنا. بس سبحانه وتعالى في النوم قلبه مع الله. ان عيني تنام ولا ينام قلبي. واذا سمع الاذان وثب. عليه الصلاة والسلام. منه - [00:43:58](#)  
رباني يسمع اذان الفجر بعد نومة السحر الاعلى يثب عليه الصلاة والسلام مش يقوم يثب. عليه الصلاة والسلام. في ساعة الاذان قلبه مع الله اه كانه لا يعرفنا ولا نعرفه. اول ما يسمع كلمة الله اكبر في الصلاة قلبه مع الله. صحابي واقف برة بيت النبي عليه الصلاة والسلام. والنبي قعد يقول - [00:44:18](#)

سبحان ربي الاعلى. سبحان ربي الاعلى. قلبه بيجأر عليه الصلاة والسلام. وهو في كل زروف حياته قلبه مع الله عليه الصلاة والسلام معجزة النبي تعلق قلبه بالله مهما كان الزروف في الهزيمة في النصر في الخطر في الامن في الفتح - [00:44:38](#)  
في الازمات عند الموت قلب عايش فوق مع الله. سبحانه وتعالى. عشان كده من اعظم الزاد لاصلاح قلبك قلبك الصلاة على النبي صلى الله عليه وسلم. السبب الذي بعد هذا اخلاق النبي وشمائله. يا سلام! لما تجيب كتاب زي مختصر - [00:44:58](#)  
مائل المحمدية شيخ الالباني اه الشيخ الالباني رحمه الله اختصره وحققه. جاب الشمائل بتاع الترمذي اختصروا على بتقعد بقى تعيش كده. تعيش لسه مخلصين في قراءته. بفضل منة الله الفجر النهاردة تعيش كده بقى مع قيام النبي. صيام النبي عليه الصلاة والسلام. زهد - [00:45:18](#)

شكل النبي وكل حديس مكتوب جنبه صحيح ولا ضعيف عشان تاخذ الصحيح وتتعبد لله به. وطول ما انت قاعد تقرا قاعد تصلي على رسول الله صلى الله عليه وسلم شيخ محمد جميل زينو له كتيب صغير برضه. ولكن للاسف ما هوش معي الان كتاب اسمه برضه الشمائل المحمدية. كتاب صغنن قد كده اهو - [00:45:38](#)  
مليان كلام عن اخلاق النبي يدوب القلب مواقف كرمه مواقف شجاعته مواقف صدقه مواقف اخلاقه مواقف تقعد تقرا وقلبك يتوحد

بالنور تخرج عايز عايز تبوس ايد مراتك وتشطب لها المطبخ. ليه ؟ لانك قارئ النبي مع اهله كان ايه ؟ عايز تحضن كل اخوانك -

00:45:58

لانك قارئ النبي مع اصحابه كان ايه عايز تخدم كل البشرية لانك قارئ النبي عليه الصلاة والسلام كان كرمه ايه عايز تعبد ربنا ليل نهار لانك قارئ النبي كان عبادته ايه ؟ الصلاة على النبي عليه الصلاة والسلام بالطريقة اللي بتقعد تستشعر بها هذه المعاني بتديك قوة في

00:46:18 - الحياة مهولة -

غير انها بتبقى مخلصا من قلبي بقى زي ما قلنا في الاول. ربنا يصلي بك عليها بقى عشرة. ويرفعك بها عشر درجات. الصلاة على النبي بترفع يا جماعة. الصلاة على النبي - 00:46:38

بترفع الايمان الصلاة على النبي بتفتح الابواب المغلقة. الصلاة على النبي عليه الصلاة والسلام يعني بتفعل افعال عظيمة بينك وبين ربك يعني طبعا انا آآ بحاول اقلل الدرس سريعا جدا جدا جدا. عشان عرفت ان دكتور عبدالرحمن الصاوي حبيب قلبي وقرة عيني

00:46:48 - النهاردة آآ -

اه طبعا وحشنا جدا جدا وزعلناين منه جدا. لان هو من قبل رمضان وهو في السعودية زمانه راجع متوهج بقى يا جماعة. صح ولا ايه ؟ وانتم عارفين دكتور عبدالرحمن الدرس الاسبوعي بتاعه امتى ؟ سبت والنهارده ايه ؟ الجمعة يعني بكرة ايه ؟ السبت يعني بازن

الله سبحانه وتعالى حد يكتشف لنا - 00:47:08

اسمعوا بس ها فين ؟ اه مستخبي وراء الرجل الاصفر. حد يكتشف لنا ربنا يبارك في عمرنا. حد يكتشف لنا يعني دكتور عبدالرحمن ان شاء الله بازن الله الدرس بتاعه من اول بكرة. وطول عمري يعني باعتبر ان درس دكتور عبدالرحمن طول ما هو شغال انا متدفي.

00:47:28 - عارفين احساس الدفيان -

حاسس انها دفيان. ليه ؟ لانه ما شاء الله وكتاب الله يعني آآ يتحدث عن سنة النبي ويركز على علاقة الاخوة بسنة النبي عليه الصلاة والسلام حاسس ان بدون ما ننسق مع بعض احنا دويتو مع بعض. يعني طول عمري بحس كده ان اللي بيحضر درس الجمعة ده من

00:47:48 - ايام درس الجمعة بتاع السلام -

من تمن تسع سنين ولا عشر سنين وبيحضر درس السبت بتاع دكتور عبدالرحمن برضو من ايامها بحس ان اللي بيحضر الدرسين ده بيبقى مختلف. ليه ؟ بحس ان هو بفر له - 00:48:08

منة الله سبحانه وتعالى يعني درس دكتور عبدالرحمن بيصبغه صبغة يعني بفضل ومنة الله فيها ارتباط بالسنة ارتباط بالعلم ارتباط يعني يعني نحرص على درس ان شاء الله قبل ما دكتور عبدالرحمن ندبسه ان يطلع يقول لنا كلمة بازن الله سبحانه وتعالى وكلنا

00:48:18 - شوق لسماعه. آآ آآ قبل ما -

يعني يعني ان شاء الله بازن الله نجييه آآ عارفين يعني جاي جاي يعني عشان بس ما ما يتعززش يعني هتصلوا على النبي عليه الصلاة والسلام يا جماعة. صلوا على النبي. يعني يا مرة اتكلمنا كده وخلاص ؟ ولا هتسبت كل جمعة بقى قبل الصلاة ساعة ساعتين او

00:48:38 -

وقبل المغرب ساعة ساعتين. ايه رأيكم يا اخوانا ؟ ها هتعمل ايه ؟ هتقوم الليل الليلة بالصلاة على رسول الله. ما تيجي كلنا نجربها الليلة. ده انا متعلمها من دكتور دكتور عبدالرحمن اصلا يعني اذكر وانا قاعد اول مرة سمعتها في حياتي وانا وانا حاضر له فيها وهو

00:48:58 - يتحدس عن قيام الليل بالصلاة على النبي صلى -

الله عليه وسلم يعني هتجرب انك تقوم ليلة كده بالصلاة على النبي صلى الله عليه وسلم من اجل تفريج الكربات. هتعمل ايه ؟ ها الدرس ده زي ما قلنا احنا عايزين ايه ؟ اخوانا على الت طبعا آآ ابطال ما شاء الله عتاوله. بيحيبوا الدرس وبيبقوا ملخصينه بحيس

00:49:18 - انه يعمل ورقة هل صليت عليه اليوم ؟ بازن الله -

ومازا استشعر وانا اصلي على النبي ؟ انا عايز بقى اخوانا او اخواتنا اللي هيلخصوا الدرس ان شاء الله مازا استشعر وانا اصلي على النبي عليه الصلاة والسلام ؟ واحد اتنين ثلاثة في نقاط واضحة مفهومة. يبقى الورقة اللي يمسخها يستفيد منها بازن الله سبحانه

وتعالى ان هو يتحمس في الصلاة على النبي عليه الصلاة والسلام. وازا طلعت حلوة - 00:49:38

هو ممكن نبقى نوزعها في الدرس كمان. ان شاء الله باذن الله. ولكن انا عايزك انت تعملها بخط ايدك. انا عايزك انت تعملها لنفسك. انا عايزك انت تسمع الدرس تاني وترتب تاني مازا استشعر وانا - 00:49:58

على النبي. اتعبوا يا جماعة نعم اجر الذاكرين. نعم اجر العاملين. ربنا يحفظكم ويبارك فيكم يا رب. آآ كان نفسي ان احنا نعمل مجلس قراءة في الشمائل المحمدية. يعني نعمل مجلس نقرأ الاحاديث الصحيحة بتاعته. ونحن آآ نتدارس آآ عظمة شخصية النبي -

00:50:08

عليه الصلاة والسلام ونحن نصلي على رسول الله صلى الله عليه وسلم. بس لسة يعني ايه يعني مش عارف ممكن يبقى المجلس ده امتى. يعني فكرت كده آآ في الورش - 00:50:28

يعني يا مولانا انا فكرت ان هو يبقى الجمعة. يعني من العصر للمغرب مسلا نعمل مجلس كده مسلا صلاة على النبي عليه الصلاة والسلام. وآآ يعني نجتهد فيها ولكن فعلا بشمهندس علي بيقول ممكن في الورش آآ يبقى في هذا الامر او نعمل هذا الامر يعني نجتهد كده واقتراحاتكم معنا باذن الله سبحانه وتعالى - 00:50:38

قال هذه اول مرة اخوانا اللي فازوا في مسابقة سورة الحج بتاعة يوم عرفة. سلسلة تفسير سورة الحاج اللي شرحناها اخونا حسام عبدالله ده الزرف بتاعه اختنا امل سمير. اختنا دعاء حسن. اختنا ريهام عاصم. اختنا هناء احمد عوض. اخونا - 00:50:58  
محمد الشهاوي يبقى من الرجالة محمد الشهاوي وحسام عبدالله ومن النساء هناء عوض ريهام عاصم دعاء حسن امل سمير الست تزرق اف بالسروات اللي موجودة جواها مع بشمهندس علي زيادة باذن الله سبحانه وتعالى. جزاه الله خيرا. ربنا يبارك فيكم. مع الدكتور عبدالرحمن الصاوي بقى. دكتور عبدالرحمن - 00:51:18

هذا تعظيم السلام عليكم ورحمة الله وبركاته. على فكرة انا ممكن اشتغل وبرضه بس آآ ما رضيتش بيتهيا لي اللي يسمع درس الدكتور حازم يعني وبعد عبدالرحمن يبقى اربابي رسمي. الله المستعان. الحمد لله رب العالمين. والصلاة والسلام على نبينا محمد -

00:51:38

محمد وعلى اله واصحابه اجمعين. نعمة الحياة ان نرى هذه الوجوه في الجنة. والله العظيم انا احيانا كده يستحضر الوجوه تبقى معنا في الجنة تبقى جنة بجد. نسأل الله تعالى ان يجمعنا بهذه الوجوه الكريمة الطيبة المباركة. مع النبي صلى الله عليه وسلم في اعلى جنات الخلق - 00:52:38

بتقولوا امين ما صليتوش على النبي وبردو ما تقولوش امين. اللهم اجمعنا مع النبي صلى الله عليه وسلم في اعلى جنات الخلد والله يا اخواني انا لا اريد ان اطيل عليكم. لكني اعرف امرأة فاضلة كريمة. ما اكثر ان ترى رسول الله صلى الله عليه وسلم في الرؤيا -

00:52:58

كتير جدا ما بتشوف النبي في المنام. يعني لدرجة ان هي مسلا لما تقابل مشكلة في الشغل عندها شف النبي يقول لها اعلمي كذا. عليه الصلاة والسلام. لو عيالها عملوا لها حاجة شف النبي في المنام يقول لها خلي بالك من البنت الفلانية اكثر من البنت الفلانية -

00:53:18

على طول ما تشوف النبي عليه الصلاة والسلام. وانا اعرفها. فضلت ابحت عن السبب. لماذا هي ترى النبي صلى الله عليه وسلم في المنام على طول كثيرا ما ترى النبي عليه الصلاة والسلام وظللت اركض حالها فوجدت يدها اليمنى دائما مختفية - 00:53:37  
تحت خمارها. فلما رفعتها وجدت ان المسبحة في يدها دائما تصلي على النبي. على طول بتصلي وهي بتتكلم معنا بتصلي على النبي عليه الصلاة والسلام. كناكة ويمكن انا ذكرت لكم هذا قبل ذلك اكثر من رأيته في حياتي - 00:53:57

اذكر الله جل وعلا الشيخ ابن باز رحمه الله تعالى. لو انت بتسأله سؤال باكله كده اسأله سؤال انا باتكلم وهو مستنيني ثلاث سواني على ما اخلص السؤال الثلاث سواني دول وهو بيزكر ربنا فيهم. لا يتوقف لسانه اما ان يرد على سؤالك واما ان يذكر الله جل وعلا.

حتى قال - 00:54:17



ابعض ابنائي وهو نائم يتحرك لسانه. وهو نائم يتحرك لسانه. فلا يزال لسانك رطبا بذكر الله جل وعلا والصلاة والسلام على النبي عليه الصلاة والسلام. صلى الله عليه وسلم هي صلاة على النبي وذكر الله. انت تقول صلى الله - [00:54:41](#)

عليه وسلم صليت على النبي وذكرت اسم الله جل وعلا. حين تقول اللهم صل على محمد. او اللهم صل وسلم وبارك على سيدنا محمد هو اللهم صل على محمد وعلى ال محمد الى اخره. تذكر الله جل وعلا وتصلي على النبي عليه الصلاة والسلام. فاكثروا من الصلاة والسلام على النبي عليه - [00:55:01](#)

الصلاة والسلام يجمعكم الله جل وعلا به في الجنة. لا اريد ان اطيل عليكم. لكن اخي الدكتور حازم حفظه الله تعالى شوقنا الى قراءة قصر شمائل النبي عليه الصلاة والسلام او الشمائل المحمدية للترمذي فلنعاهد الله جل وعلا. وانا هو اسئلكم اني يعني - [00:55:21](#)

نويت ذلك ان اقرأه مع اهل بيتي. فهي كل اللي متجاوز يروح من الليلة دي يقرأه مع زوجته كل يوم صفحتين ثلاثة. واللي مش متجاوز ؟ ربنا يجوزه. عشان يقرأ السماء للمحرم - [00:55:41](#)

او يمكن لو قرأ السماء المحادية ربنا يجوزه. صح برضه؟ يبقى يعني بداية الخير بداية البركة. نسأل الله تعالى ان يجعلنا واياكم من اكثر الايات التي احبها قول الله جل - [00:56:01](#)

قال في سورة ال عمران لقد من الله على المؤمنين اذ بعث فيهم رسولا من انفسهم يتلو عليهم آياته ويزكيهم ويعلمهم الكتاب والحكمة وان كانوا من قبلوا لفي ضلال مبين. لولا النبي كان زمان ايه - [00:56:21](#)

كان زمانا فراعنة صح؟ بنسجد لقوف وخفرع ومنقرع وتوت عنخ امون واه وقامة حنط ومش عارف كان زمانا بنسجد لدول. او كان زمانا بنسجد لعيسى من دون الله. صح؟ او حتى لو من سكان الجزيرة العربية حول الكعبة - [00:56:41](#)

كان زماننا نسجد لهبل ومنام. لولا النبي صلى الله عليه وسلم لكنا عباد الاصنام. لكنا عباد الفئران لولا النبي عليه الصلاة والسلام الذي امتن الله جل وعلا به علينا. امتن الله جل وعلا به علينا. ربنا بيقول في الاية لقد من الله - [00:57:01](#)

ان يعني ايه؟ ايه الفرق بين من وانعم الفرق بين من وانعم انعم العلماء بيقولوا ان النعمة عطاء من الله جل وعلا ربما يكون لك سبب فيه. يعني استغفرت ربنا - [00:57:21](#)

اللي نادي الف مرة ربنا رزقك عشر تلاف جنیه. العشر تلاف جنیه دول نعمة ولا لآ؟ بس انت عملت ايه؟ استغفرت ربنا الف مرة فقلت استغفروا ربكم انه كان غفارا يرسل السماء عليكم مدرارا ويمددكم باموال. يبقى المدد المال ده نعمة من الله لانك - [00:57:36](#)

استغفرت طب لو اعطاك بدون ما تعمل حاجة. هي دي المنة. عطاء من الله جل وعلا ما قدمت له شيئا. هل منكم احد شيئا ليعطى رسول الله؟ حد منكم عمل حاجة؟ عشان ربنا يعطي له منة النبي عليه الصلاة والسلام؟ ابد - [00:57:57](#)

عشان كده دايم لما تيجي تسأل واحد ايه هي اول نعمة ربنا اداها لك ايه ؟ يقول لك الاسلام. لأ فيه قبل الاسلام. قبل ما تتولد اصلا وقبل ما تكون مسلم - [00:58:17](#)

في نعمة الاله الواحد ونعمة النبي عليه الصلاة والسلام. اعطاه لابيک واعطاه لجدک واعطاه لابائک واجدادک. منة ان الله جل وعلا ما قدمت لها شيئا وما بذلت لها شيئا اعطاك الله جل وعلا النبي ونحن لا نستحق. اي والله - [00:58:27](#)

احنا ما نستحقش النبي. ما نستحقوش. انت عملت ايه للنبي عليه الصلاة والسلام؟ النبي عليه الصلاة والسلام اللي هيستناك على الصراط يوم القيامة انت ماشي على الصراط قاعد كما قال اخي الدكتور حازم انت ماشي تقع مرة وتمسك مرة وتتشعلق مرة والنبي عليه الصلاة عدى من الصراط - [00:58:47](#)

والجنة قدامه وباب الجنة مستنيه. وخازن الجنة مستني اللي يخبط يقول له انا محمد عشان يفتح له. والباب قدامه ويدخل يستريح يلاقي النبي ما دخلش مع انه عدى الصراط وشايف الجنة قدامه ليه؟ ينتظرك رسول الله صلى الله عليه وسلم على الجانب الاخر من - [00:59:07](#)

يدعو الله ان يسلمك ده النبي عليه الصلاة والسلام دعوى الانبياء يومئذ اللهم سلم سلم يعني حضرتك ماشي على الصراط. انزحلت

على الصراط بنظرة بسطها انت في الشارع وزحلاقة تانية على الصراط بكلمة قلتها غلط. وزحلاقة تانية على الصراط بسهرة على الحرام. والنبي عليه الصلاة والسلام في الجهة التانية كل ما - [00:59:27](#)

يا رب يعدي محمد. يا رب ينجو ابراهيم. يا رب يعدي فؤاد. بيدعي لك النبي باسمك. اللهم سلم سلم. ده النبي عليه الصلاة والسلام. انت عملت له ايه عليه الصلاة والسلام النبي عليه ربنا قال ربنا قال له انت هتموت نفسك عشان دول - [00:59:50](#)  
لعلك باقع نفسك على اثارهم ان لم يؤمنوا بهذا الحديث يا اسفا. يعني هتموت نفسك من الحزن النبي عليه الصلاة والسلام يقعد يعيط ليه ؟ عشان ابنك مات ؟ لأ. بتعيط ليه يا رسول الله ؟ عشان فلوسك راحت ؟ لأ. بتعيط ليه يا رسول الله - [01:00:10](#)  
عشان كان نفسك تاكل اكلة حلوة وما لقتش اكل ابداء. بعيط عشان امتي نفسي كلهم يخشوا الجنة. خلي النبي قاعد يعيط شف انت اي واحد بيعيط و بتعيط ليه ؟ فيه واحد شفته قاعد يعيط عشان عشان النبي عليه الصلاة والسلام الا ما ندر. النبي قعد يعيط ليه ؟  
عشانك انت - [01:00:30](#)

ما يبكيك يا رسول الله ؟ وربنا يرسل جبريل الى النبي عليه الصلاة والسلام ما يبكيك يا محمد ؟ امتي يا جبريل بيعيط عشانك فالحاجة الوحيدة اللي تسعد النبي عليه الصلاة والسلام مش انه ياخذ الدنيا ولا انه ياكل لأ الحاجة الوحيدة اللي تسعد النبي ان يرسل الله جل وعلا جبريل - [01:00:50](#)

قيل مرة ثانية الى رسول الله صلى الله عليه وسلم فيقول له ان ربك يقرئك السلام ويقول انا سنرضيك في امتك ولا نسوؤك مجرد النبي يفرح عشان انت مسلم عشان تخش الجنة هو ده اللي يسعد النبي عليه الصلاة والسلام. الا تسعد رسول الله - [01:01:11](#)  
صلى الله عليه وسلم منة من الله جل وعلا علينا. لقد من الله على المؤمنين اذ بعث فيهم رسولا من انفسهم يتلو عليهم آياته ويزكيهم ويعلمهم الكتاب والحكمة. وان كانوا من قبل لفي ضلال مبين. النبي صلى الله عليه وسلم نور - [01:01:31](#)  
لأ مش نور النور يعني يعني جاي من حطة تانية. النبي سراج عارف الفرق بين السراج والنور ايه ؟ انا ارسلناك شاهدا ومبشرا ونذيرا وداعيا الى الله باذنه سراجا مريرا. القمر منير - [01:01:51](#)

انما الشمس تضئ. ايه الفرق بينهم ؟ ان القمر جاي له ضوء من برة وعكسه عليك. النبي طالع من النور النبي طالع من جواه النور عليه الصلاة والسلام سراجا منيرا. طالع منه النور. عليه الصلاة عشان كده بغير النبي تبقى اعمى. تبقى ضلمة - [01:02:11](#)  
بغير النبي تبقى ضلمة. انا والله العزيز يا اخواننا. والله العزيز هذا يمكن اول مرة اجهر به. انا احيانا بستحضر ان مشايخنا سافروا مسلا بلاش حاجة تانية. سافروا. مش موجودين. مشايخنا اللي ربنا اكرمنا بهم. الشيف محمد حسان - [01:02:33](#)  
الشيخ محمد يعقوب الشيخ مصطفى العدوي الشيخ مصطفى الحويني. دكتور محمد عبدالمقصود. الشيخ وحيد بالي. الشيخ ابو بكر الحنبلي. الشيخ عبدالله شاكرا. الشيخ جمال المراكبي. مشايخنا دول دول مشايخنا لو هم مش موجودين. والله انا حسيت ان انا مش شايف - [01:02:55](#)

ان بقت ضلمة عرفت بقى احساس الصحابة لما فقدوا النبي بقت ضلمة. بقت ضلمة. قال انس بن مالك ما وجدنا يوما انور من يوم دخل رسول الله صلى الله عليه وسلم المدينة - [01:03:12](#)

فلما مات رسول الله ده انس بيقول الكلام ده. فلما مات رسول الله صلى الله عليه وسلم اظلم فيها كل شيء الدنيا ضلمت قدام الصحابة. هو ده اللي احنا عشاناه. عشان كده ابو بكر وعمر بكوا لما جاروا ام ايمن. ليه - [01:03:30](#)  
هيجتهم حين ذكروا رسول الله. ليه ليه ؟ قالوا انقطع الوحي من السماء. ما مصدر النور انقطع. تخيل لو النبي كان موجود ما انتش محتاج بقى الشيخ فلان قال ولا الامام فلان قال ولا رأي الشافعي ايه ولا رأي الحاكم - [01:03:50](#)  
ايه ؟ ولقول الجمهور ايه ؟ ولا ايه ؟ تروح للنبي عليه الصلاة والسلام. يا رسول الله المسألة الفلانية اعمل فيها ايه ؟ اعملي كذا. حاضر. خلاص ما فيش قول ثاني. ما فيش قول ثاني. استريح. اي مشكلة. زوجتي مزعلاني - [01:04:10](#)

ابويا اعمل معه ايه ؟ اخويا قال لي كلمة غلط. الجامع عامل فيها ايه ؟ الشقة اللي انا بادور عليها اجيها منين ؟ اشتري شقة فين اسافر ولا ما اسافرش ؟ ازاكر ولا ما ازاكرش ؟ ادخل الكلية انهي ؟ لو كان النبي موجود وسألته محتاج تسأل واحد ثاني - [01:04:30](#)

خلاص عشان كده اكبر حزن الم بالدنيا موت رسول الله. عليه الصلاة والسلام. ما فيش مصيبة اكتر من كده. عشان كده النبي عليه الصلاة والسلام يقول من اصاب بمصيبة فليتعزى بمصيبته بي فانها اكبر المصائب. اكبر مصيبة انك فقدت النبي عليه الصلاة والسلام - 01:04:50

فعزاؤنا عزاؤنا واملنا ان نكثر من الصلاة والسلام على نبينا عليه الصلاة والسلام لعل الله ان يجمعنا به في الجنة. هو ده الامل. هذا هو المرتقب. هذا هو المنتظر. فاكتر من الصلاة والسلام عليه. كما تفضل اخي الدكتور حازم فان - 01:05:10  
اكتركم صلاة على النبي عليه الصلاة والسلام اقربكم منزلة من رسول الله عليه الصلاة والسلام. نسأل الله جل وعلا ان يرزقنا صدق المحبة للنبي عليه الصلاة والسلام. وكثرة الصلاة والسلام عليه وان يجمعنا به في الجنة. في اعلى جنات الخلد في اعلى الفردوس الاعلى - 01:05:30

مع اخواننا واحبابنا وازواجنا واولادنا وابائنا وامهاتنا. انه لي ذلك ونعم المولى ونعم النصير. جزاكم الله خير واسأل الله تعالى ان يتقبل جهد اخي الدكتور حازم. ان شاء الله. التقى بكم غدا ان شاء الله تعالى. واشكر لاهي وحيبي وقره عيني وتوأم روحي - 01:05:50

دكتور حازم شومان على ادبه وخلقه وتواضعه. ودائما هو يعلمنا الادب. ويعني والله يشهد اني اذا اردت حمية في الدعوة او ودفعة للدعوة مجرد ان انظر الى وجهه او ارى حركاته اخذ شحنة ايمانية للدعوة الى الله جل وعلا. نسأل الله تعالى ان يتقبل - 01:06:10  
فجهده ومسعاها وان يحفظه وان يجوزه الصراط يوم القيامة انه ولي ذلك والقادر عليه. صلى الله وسلم وبارك على النبي محمد وعلى اله واصحابه اجمعين. والحمد لله رب العالمين. والسلام عليكم ورحمة الله وبركاته - 01:06:30  
- 01:06:50